

ՏԱՐՐԱԿԱՆԻ ՈՒՍՈՒՑՉՈՒՄ

ԱՐԵՎԻ ՆՄԱՆ ՆԱՅԵՅԵՔ ԱՃԽԱՐՀԻՆ, ԿԱՆԱՎՅՔ...

Կանանց միջազգային տոնի՝ Մարտի 8-ի առիթով, ջերմ շնորհավորանքներ հղվեցին Վրաստանի կանանց, վրաց օրհնյալ հողում ապրող մեր վիրահայ հայրենակցուհիներին, ովքեր իրենց կանացի շնորհքով, համբերատարությամբ ու կանացի խորագիտությամբ պահում-պահպանում, խնամում են իրենց երկրամասը, ընտանիքը, զավակներին, ամուսիններին:

Այսօրվա մեր հյուրը այդ կանանցից մեկը՝ Մանուկի շրջանի հայաբնակ Չանախչի գյուղի հանրային դպրոցի (տնօրեն՝ Մանանա Մանուկյան) տարրական դասարանների երիտասարդ ուսուցչուհի, երիտասարդ մայր եւ կին Ոսկեհատ Հայրապետյանն է:

- Ոսկեհատ, ընդունեք նաեւ մեր ընթերցողների շնորհավորանքն ու բարենաղթանքները՝ Ձեզ եւ Ձեր ընտանիքին: Եվ մեր առաջին հարցը՝ ի՞նչ զգացումներ է բերում Ձեզ Մարտի 8-ը:

- Ես սիրում եմ այս տոնը: Այն ինձ տանում է դեպի մանկություն, երբ ես ակնածանքով շնորհավորում էի մայրիկիս, ուսուցիչներիս, քույրերիս, բուլոր այն կանանց, ովքեր այդ պահին շրջապատում էին ինձ, եւ մանուկ հոգիս ուրախանում էր դրանից: Իսկ այսօր արդեն ինձ են շնորհավորում: Ինձ համար շատ կարեւոր է, որ երեխայի մեջ զարգանա շնորհավորելու կուլտուրան: Կտրականապես դեմ եմ նյութական նվերին եւ տարբեր առիթներով նրանց սովորեցնում եմ, որ ուսուցիչներին, եւ մյուս բուլորին, շնորհավորեն իրենց կողմից պատրաստված բացիկներով, գեղեցիկ ասմունքով, երգով, պարով: Փորձում եմ նրանց մեջ ներդնել քաղաքակիրթ աշխարհում ընդունված նվեր տալու, դրանով դիմացիներին ուրախացնելու եւ փոխադարձաբար ուրախանալու մշակույթը:

- Աշխարհի բազում մասնագիտությունների մեջ մանկավարժությունն ընտրելիս՝ ի՞նչը Ձեզ հրապուրեց նրանում:

- Երեւի թե, մանկավարժը ի սկզբանե ապրել է ինձանում, որովհետեւ մանկավարժ են մայրս, ավագ քույրս... Ընդհանրապես, մանկուց ուսուցիչը ինձ համար իդեալական մարդ էր, որից կարելի էր շատ բան սովորել. ես ընդօրինակել եմ ուսուցչիս հազուստը, նախընտրած գույները, խոսելաձեւը, վարվելաձեւը: Մի խոսքով՝ նա ինձ համար եղել է ամենադրական կերպարը, որին փորձել եմ մոտենալ...

- Ձեր մոտեցմամբ՝ ի՞նչ հատկանիշներ չպետք է ունենա ուսուցիչը:

- Առաջին հերթին, ուսուցիչը պետք է հրաժեշտ տա հիշաչարքայանքի, անձնական օրինակով, ներողամտություն սովորեցնի: Իմ կարծիքով, ուսուցչին անհարիր հատկանիշներից մեկն էլ կողմնապահությունն է. երբեք տարբերություն չպետք է դրվի աշակերտների մեջ...

- Սովորաբար ասում ենք՝ կոչումով ուսուցիչ է: Ըստ Ձեզ՝ ո՞րն է կոչումով ուսուցիչ, ո՞րն ոչ կոչումով...:

- Կոչումովը, երեւի այն ուսուցիչն է, կան ցանկացած մասնագետը, ով մեխանիկորեն չի կատարում իր աշխատանքը: Երբ սիրում ես աշխատանքը եւ անում ես հոգով, դա դարձա-

րում է աշխատանք լինելուց, այլ դառնում է հոգի սնող անհրաժեշտություն, ասել է՝ քո կոչումը... Աշխատանքը սիրով կատարելիս՝ քեզանում ծնվում է ոգեւորություն, խանդավառություն, ինչով նաեւ վարակվում է քո աշակերտը:

- Վրաստանի կրթության եւ գիտության նախարարության այսօրվա բարեփոխումները օգնում են ուսուցչին աշխատանքում:

- Դրանք օգնում ու նպաստում են մեր աշխատանքի որակի փոփոխմանը: Այդ բարեփոխումների շնորհիվ՝ կարողանում ենք ուղղորդել աշակերտի տրամաբանական մտածողությունը: Մեր առաջնային նպատակն է, որ նրանք ինքնուրույն գտնեն ծագած հարցի պատասխանը, ամենաթույլ առաջադիմություն ունեցող աշակերտը պետք է ունենա ի՞ր կարծիքը, կարողանա արտահայտել եւ հիմնավորել այն: Դրա համար մեզ, նախարարության կողմից, տրվում են հատուկ թեստեր, առաջնորդվում ենք համապատասխան մեթոդիկայով:

- Ի՞նչ խնդիրներ ունեն շրջանում աշխատող մանկավարժները:

- Շրջանի մանկավարժի գլխավոր խնդիրը, երեւի, պետական լեզվին տիրապետելն է: Այդ խնդիրը հաղթահարվում է հայկական դպրոցներում բացված վրաց լեզվի ուսուցման դասընթացների միջոցով: Շատ շնորհակալ նախածեռնություն է եւ, մեր դպրոցի տնօրեն Մանանա Մանուկյանի հետեւողականության շնորհիվ, տալիս է ցանկալի արդյունքներ:

- Ձեր՝ կանանց հղված մտքանքը:

- Մեր դպրոցի կին աշխատակիցներին, եւ ընդհանրապես աշխարհի կանանց, ցանկանում եմ ամենաթանկ արժեքը՝ խաղաղություն, հոգեկան ներդաշնակություն ու ջերմություն եւ մաղթանքս ուզում եմ ավարտել Ամենայն Հայոց Բանաստեղծի՝ Գրիգորի Թումանյանի խոսքով՝ «Արեւի նման նայեցեք աշխարհին»:


Ձրուցեց ՋՈՒԼԻԵՏԱ ԲԱՊԱՆՅԱՆԸ

«ՎՐԱՍՏԱՆԻ» ՏԵՂԵԿԱՏՈՒ ԾԱՌԱՅՈՒԹՅՈՒՆ

ՀՈՐԵԼՅԱՆ

ՄԵԾԱՐԵՅԻՆ ՎԱՍՏԱԿԱՆՍ ՀՈՐԵԼՅԱՐԻՆ

Տարիները Արտյուշ Սանոսյանին տանում են դեպի Նինոծմինդայի շրջանի հայրենի գյուղ Սաթխա, նրա դպրոցն ու շրջկենտրոնի հայկական միջնակարգը, որը ավարտելուց հետո՝ ընտրեց մանկավարժի մասնագիտությունը: 1961 թվականին, ավարտելով Երեւանի Խաչատուր Աբովյանի անվան պետական մանկավարժական ինստիտուտի պատմա-լեզվագրական ֆակուլտետը, աշխատանքի անցավ հայրենի գյուղի դպրոցում: 28 տարի ծավեց մանկավարժի ուղին. պատմության ուսուցիչ Սաթխայի եւ Օրոջալարի դպրոցներում, դպրոցի ուսնասվարդ ու տնօրեն:



Մանկավարժությանը զուգահեռ Արտյուշ Սանոսյանի պատմա-գիտական պրպտումներն էին: Սաթխայում դեռեւս ապրում էին Սանոսյանի այն համագյուղացիները, ովքեր մասնակցել էին 1918 թվականի ինքնապաշտպանության մարտերին: Երբ հետաքրքրությունների շրջանակն ընդլայնվեց, որոնումները տարան Ախալքալաքի եւ Կարախի, Ախալցխի եւ Ասպինդայի Դամալ գյուղ, այն ժամանակվա զավառի հայկական ու վրացական գյուղերը, որոնց բնակիչները 1918 թվականին կենաց ու մահու կռիվ էին մղել սոսնայան ջարդարների դեմ, հերոսացել ու զոհվել, ապրել ու ապրեցրել:

1992 թվականին լույս տեսավ Ա.Սանոսյանի «Ախալցխի եւ Ախալքալաքի գավառների ինքնապաշտպանությունը» գիրքը:

...Վերջերս Նինոծմինդայի հանդիսությունների օրահուն տեղի ունեցավ Արտյուշ Սանոսյանի ծննդյան 80-ամյակին նվիրված հրեյանական բազմամարդ հանդիսությունը: Հորեյարին շնորհավորեցին Նինոծմինդայի մունիցիպալիտետի վարչության մշակույթի, կրթության, սպորտի եւ երիտասարդության հարցերով ծառայության պետ, Վրաստանի հայ գրողների «Վերնատուն» միության նախագահ Գեորգ Սնիչյանը, Հայ Առաքելական եկեղեցու Վիրահայոց թեմի առաջնորդ Վազգեն եպիսկոպոս Միրզախանյանը, Հայաստանի Հանրապետության Սփյուռքի նախարարության պատասխանատու աշխատակից Տարոն Շագոյանը, Նինոծմինդացի գրող Ալբերտ Իսոյանը եւ ուրիշներ:

ԳԵՎՈՐԳ ԱՅՎԱԶՅԱՆ



ԻՆՉՊԵՆ ԵՆ ՊԱՇՏՊԱՆՎՈՒՄ ԲԱՐԱՔԱՅԻՆԵՐԻ ԱՃԽԱՍԱՆՔԻ ԻՐԱՎՈՒՆՔՆԵՐԸ

Ինչպես արդեն հարորդել ենք (վետրվարի 4-ի, N 9-10-ում) քաղաքացիների աշխատանքային իրավունքների պաշտպանության համար կազմավորվել է սոցիալական գործընկերության եռակողմ հանձնաժողով, որը խորհրդատվական մարմին է եւ հաշվետու՝ եռակողմ հանձնաժողովի նախագահ Վրաստանի վարչապետի առջեւ: Իր գործառնությունների իրականացման նպատակով, սահմանված իրավասությունների շրջանակներում, հանձնաժողովը լիազորված է օրենսդրությամբ սահմանված կարգով, քննարկել կողմերի

առաջադրած հարցերը, հանձնաժողովի նիստում լսել կողմերի տեղեկատվությունը վերջիններիս իրավասության հարցերի վերաբերյալ, օրենքով սահմանված կարգով, պահանջել գործադիր իշխանությունից եւ համապատասխան տեղեկանք՝ ինքնակառավարման մարմիններից ու այլ հաստատություններից եռակողմ հանձնաժողովում քննարկվող հարցերի մասին անհրաժեշտ նյութեր: Օրենսդրությամբ սահմանված կարգով, համապատասխան առաջարկությունների եւ հանձնարարականների մշակման նպատակով, հրավիրել տարբեր գերատեսչությունների ներկայացուցիչների, ոլորտի մասնագետների ու փորձագետների, որի ժամանակ պետք է բացառվի շա-

ների դիմակայությունը: Իր իրավասությունների շրջանակներում, մշակել եւ շահագրգռված անձանց ներկայացնել համապատասխան առաջարկությունները:

Սոցիալական գործընկերության եռակողմ հանձնաժողովն իր գործունեության մեջ առաջնորդվում է Վրաստանի սահմանադրությամբ, Վրաստանի միջազգային պայմանագրերով, երկրի օրենքներով եւ կարգադրություններով, վարչապետի հրամանագրերով, սոցիալական գործընկերության եռակողմ հանձնաժողովի կանոնադրությամբ, իրավական այլ ակտերով:

Վերոնշյալ թեմայով մեր ընթերցողների հարցերին պատասխանում է իրավաբան ԻԻՆԵ ՂՆՆՏԻՆ:

- Տիկին Իրինե, խնդրում եմ պարզաբանել՝ որքա՞ն է սահմանված հանձնաժողովի անդամների իրավասությունների ժամկետը, եւ ե՞րբ է ձեւավորվում հանձնաժողովի նոր կազմը:

Վ.ԱՎԱԼՅԱՆ

Մանուկի շրջան

Եռակողմ հանձնաժողովի անդամների իրավասությունը սահմանված է մեկ տարի ժամկետով: Նոր հանձնաժողովի կազմը սահմանվում է նախորդ կազմի իրավասությունների ժամկետի սպառումից 30-րդ օրը: Եռակողմ հանձնաժողովի անդամի (բացառությամբ՝ եռակողմ հանձնաժողովի համապատասխան կողմի ներկայացուցչի իրավասություն ունեցող անձի) իրավասության ցանկացած պատճառով վաղաժամկետ ընդհատման դեպքում, եռակողմ հանձնաժողովի համապատասխան կողմի ներկայացուցչական իրավասություն ունեցող անձը՝ եռակողմ հանձնաժողովի նախագահին ներկայացնելու է համապատասխան կողմի կազմում եռակողմ հանձնաժողովի անդամության նոր թեկնածուին, որի ընտրությունն իրականացվում է օրենքով սահմանված կարգով: Որպես օրենք՝ թեկնածուն ներկայացվելու է հանձնաժողով-

վի անդամի իրավասությունների դադարեցումից 30 օրացուցային օրվա ընթացքում:

- Իրավականորեն ինչպե՞ս կու՞ծվի հարցն այն դեպքում, երբ եռակողմ հանձնաժողովում կողմի ներկայացուցչական իրավասություն ունեցող անձը, որը հանձնաժողովի անդամ էր, ծանր հիվանդության պատճառով ժամկետից շուտ վայր է դնում լիազորությունները:

Գ.ՋԱՆԳԻՐՅԱՆ

Դեղովի խճողարի շրջան

- Այդ դեպքում, համապատասխան կողմի համալրմանը մասնակից գործատուների միությունն ու աշխատողների միությունը անցկացնում են ներքին խորհրդատվություններ եւ իրականացնում օրինական մյուս ընթացակարգերի հանձնաժողովի անդամության համապատասխան կողմի ներկայացուցչական իրավասություններ ունեցող անձի օրենքին նախատեսված ընտրությունը, եւ այդ անձի միջոցով համապատասխան թեկնածուին ներկայացնում եռակողմ հանձնաժողովի նախագահին: Դա, որպես օրենք, իրականացվում է եռակողմ հանձնաժողովի համապատասխան կողմի ներկայացուցչական իրավասություն ունեցող անձի (եռակողմ հանձ-

նաժողովի անդամի) իրավասությունների դադարեցումից 30 օրացուցային օրվա ընթացքում: Վրաստանի կառավարության կողմից եռակողմ հանձնաժողովի անդամի (բացառությամբ՝ եռակողմ հանձնաժողովի նախագահի) իրավասությունների դադարեցման դեպքում, պետական համապատասխան գերատեսչությունն ապահովում է եռակողմ հանձնաժողովի անդամության նոր թեկնածուի առաջադրումը եռակողմ հանձնաժողովի նախագահին, հանձնաժողովի անդամի իրավասության դադարեցումից 30 օրացուցային օրվա ընթացքում:

- Քալսատուն Իրինե, խնդրում եմ պարզաբանել՝ հիմնականում ի՞նչ սկզբունքների վրա է հիմնված եռակողմ հանձնաժողովի գործունեությունը, եւ որո՞նք են դրա գործառնությունները:

Ա.ՄԻՐԱՆՅԱՆ

Թբիլիսի

- Հանձնաժողովի գործունեության հիմնական սկզբունքներն են. Օրինականությունը, քանի որ դրա գործունեությունը առաջնորդվում է Վրաստանի սահմանադրությամբ, միջազգային պայմանագրերով, Վրաստանի օրենսդրությամբ եւ այլ իրավական ակտե-

րով: Անկախությունը, քանի որ այն գործում եւ որոշում է ընդունում ինքնուրույն: Իրավահավասարությունը, քանի որ հանձնաժողովի բոլոր անդամներն ունեն հավասար իրավունքներ ու պարտականություններ: Եռակուսակցականությունը, քանի որ այն եռակողմ է, եւ դրա ձեւավորումը իրականացվում է սահմանված կարգով, կոնստիտուցիոնորումների ընդունումը, այսինքն՝ որոշումն ընդունվում է եռակողմ համաձայնությամբ: Պատասխանատվությունը՝ հանձնաժողովի ընդունած որոշումը բոլոր կողմերի համար պարտադիր է, եւ դրա կատարումը կողմերը ապահովելու են իրենց իրավասությունների շրջանակներում:

Ինչ վերաբերում է հանձնաժողովի գործառնություններին, ապա այն նախատեսում է բոլոր մակարդակներում սոցիալական գործընկերության զարգացման, նաեւ գործատուների, աշխատողների ու Վրաստանի կառավարության միջեւ սոցիալական երկխոսության ձեւավորման աջակցությունը, ինչպես նաեւ աշխատանքային եւ մյուս հարաբերությունների հետ առնչվող մյուս հարցերի կապակցությամբ առաջարկությունների ու հանձնարարականների մշակումը:

ՀԱՐՑ - ՊԱՏՎԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԱՌՈՂՋԱՊԱՀՈՒԹՅՈՒՆ

ԵՐԱՉԱՆՔՆԵՐԻ ԿԱՉՄԱՍՏՔԻ ԳԵՂԱՏՈՍՄԸ

Փորձել եմ տարբեր դիետաներ, սակայն ոչ մի արդյունքի չեմ հասել: Գուցե դուք կարողանաք օգնել: Ա.Մանուկյան Լինոսմինդա



Չափաքանակը

Բոլորն էլ ցանկանում են արագ եւ արդյունավետ կերպով ազատվել ավելորդ կիլոգրամներից ու նիհարել: Fithacker կայքը ներկայացնում է նիհարելու մի միջոց, որը վերջերս համացանցում՝ նիհարողների շրջանում, մեծ աղմուկ բարձրացրեց:

Երբ խոսք է գնում նյութափոխանակության մասին, միշտ էլ կարելի է հիշել, որ այն աշխատանքի գցելու լավագույն ժամանակը վաղ առավոտն է, արթնանալուց անմիջապես հետո: Այս թեյի մեկ բաժակը խմեք առավոտյան՝ դատարկ ստամոքսին: Երկրորդ բաժակը կարող եք խմել նախաճաշից անմիջապես հետո, իսկ երրորդը՝ երեկոյան, քնելուց որոշ ժամանակ առաջ:

Ձեզ անհրաժեշտ է միայն թեյ, դարչին ու դափնու տերեւ: Այս բոլոր երեք բաղադրիչները հրաշալի կերպով այրում են ճարպերը եւ ուժեղացնում են նյութափոխանակությունը:

Ինչպե՞ս պատրաստել

Վերցրեք 1լ ջուր, դարչինի մեկ ձողիկ եւ դափնու 5 տերեւ: Սկզբում եռացրեք ջուրը, ապա դրա մեջ ավելացրեք դարչինն ու դափնու տերեւները: Թողեք մնա 5 րոպե, որ սառչի: Ապա դրանից թեյ պատրաստեք:

Այս թեյի օրական 3 բաժակը կօգնի ձեզ հասնել ձեր ցանկալի արդյունքին, հատկանշական է, որ այս թեյը նախաճաշ ազդում է մարմնի ամենամեծ մասնակալի ճարպերի վրա: Իհարկե, չպետք է մոռանալ նաեւ սննդակարգի ու ֆիզիկական վարժությունների մասին:

ՈՒՇԱԳՐՈՒԹՅՈՒՆ

ԱՆՉԱՆԳԱՏՈՒԹՅՈՒՆԸ ԿԱՐՈՂ Է ԱՐՏՐԻՏԻ ՉԱՆԳԵՑՆԵԼ

Բժշկի դիմող հիվանդների 70 տոկոսը ինքնուրույն կարող է բուժվել, եթե ժամանակին հաղթահարի իր վախերն ու անհանգստությունը: Այդ հիվանդություններից են նյարդային լարվածության հետ կապված մարտդոլության խանգարումները, ստամոքսի խոցը, սրտի հիվանդությունները, անքնությունը, գլխացավը: Ամուսնական կյանքի խաթարումը, վիշտը, մենակության զգացումը, անհանգստությունը, թաքցրած վիրավորանքը կարող են արտրիտի պատճառ դառնալ: Իհարկե, դրանք ամենեւին էլ արտրիտի առաջացման միակ պատճառները չեն: Սակայն դրանք այն ամենատարածված նախադրյալներն են, որոնք նպաստում են այս հիվանդության առաջացմանը:

ԳԻՏԵՔ, ԱՐԴՅՈՒՆ...

ՄԵՐ ԵՎ ՄԻՐԱՅԱՐՎԱԾՈՒԹՅՈՒՆ

Սիրահարվածությունը տարբերվում է սիրուց, բայց վերջինս սկսվում է նրանից:

Սիրահարված ժամանակ սիրած օբյեկտը թվում է անհասանելի եւ հիանալի: Մեզ գրավում է նրա արտաքին տեսքը, նրա հմայքը: Մենք ցանկանում ենք միշտ նրա հետ լինել, նրա հետ ամեն ինչ կիսել: Մեր երեւակայությունն այնքան է լցվում նրա կերպարներով, որ մենք դադարում ենք նույնիսկ նկատել մեզ: Ենթափրի սոնետները, մի շարք բալլադներ ու բանաստեղծություններ վկայում են սկզբից ամսի թվացող սիրահարվածության մասին, սակայն ուշ թե շուտ այդ «մեծ սերը» ավարտվում է հիասթափությամբ, որը պայմանավորված է նրանով, որ մենք չափից շատ ենք իդեալականացնում սիրած էակին:



Սիրահարված ժամանակ սիրած օբյեկտը թվում է անհասանելի եւ հիանալի: Մեզ գրավում է նրա արտաքին տեսքը, նրա հմայքը: Մենք ցանկանում ենք միշտ նրա հետ լինել, նրա հետ ամեն ինչ կիսել: Մեր երեւակայությունն այնքան է լցվում նրա կերպարներով, որ մենք դադարում ենք նույնիսկ նկատել մեզ: Ենթափրի սոնետները, մի շարք բալլադներ ու բանաստեղծություններ վկայում են սկզբից ամսի թվացող սիրահարվածության մասին, սակայն ուշ թե շուտ այդ «մեծ սերը» ավարտվում է հիասթափությամբ, որը պայմանավորված է նրանով, որ մենք չափից շատ ենք իդեալականացնում սիրած էակին:

Ապրելով «ծաղկող սիրահարվածության» երջանկությունը՝ մարդը իր երեւակայության մեջ ստեղծում է սիրած էակի հիանալի պատկերը՝ մեծացնելով իրականության եւ երազի միջեւ եղած տարբերությունը, չնայած դա երկար ժամանակ չի գիտակցում: Եվ միայն վերլուծելով սիրահարվածության փուլերը, որոնք հանգեցնում են սիրուի, կարող ենք հասնել այն պահին, երբ մենք կարող ենք արագորեն ընդունել սիրուի իրականությունը:

ԱՄԵՆՕՐՅԱ ՍՈՎՈՐՈՒԹՅՈՒՆՆԵՐ, ՈՐՈՆՔ ԾԵՐԱՑՆՈՒՄ ԵՆ

Որոնք են այն ամենօրյա սովորությունները, որոնք հանգեցնում են վարժածան ծերացման, արդյոք, հնարավոր է, ինչ-որ կերպ խուսափել դրանցից: Առօրյա այդ սովորությունների, դրանցից խուսափելու մեթոդների մասին է ստուրեւ ներկայացվող հոդվածը:

**1. Սերիալներ դիտելը**  
Ֆիզիկական ակտիվության պակասը միջին տարիքում կարող է հետագայում գլխուղեղի փոքր ծավալի պատճառ դառնալ: 20-30 տարեկանում հեռուստացույցի առաջ երկար նստելու եւ ֆիզիկական ցածր ակտիվության հետեւանքով հետագայում կարող է մտավոր գործառույթների նվազում նկատվել:

ոգելից խմիչքն ու ծխախոտը, որով մենք ավելի ենք վատացնում մեր առողջությունը:

**2. Քնի պակասը**  
Լիարժեք քունը նպաստում է գեղեցկության պահպանմանը: Ըստ հետազոտության, այն կանայք, որոնք քիչ են քնում, շուտ են ձեռք բերում ծերության նշաններ կնճիռներ, պիգմենտացիա, մաշկի առածակայության նվազում:

**4. Հոգով ծերանալը**  
Եթե դուք ձեզ ծեր եք զգում՝ դուք հենց այդպիսին էլ կթվաք: Երբ մարդիկ իրենց երիտասարդ են զգում՝ չնայած իրենց տարի-



քին, նրանք ավելի կենսախիճ են լինում, ձեռքները ծալած չեն նստում, լավատես են: Առողջության ու արտաքինի համար վնասակար է մտածել, թե ծեր կյանքի լավագույն տարիներն արդեն անցյալում են:

**3. Պասսիվ կենսակերպ**  
Միաժամանակ չափից շատ քնելն էլ է վնասակար: Ավստրալիայում վերջերս խոշոր հետազոտություն են արել՝ ավելի քան 230 հազար մարդու մասնակցությամբ: Նկատել են, որ պասսիվ կենսակերպ ունեցողների 9 ժամից շատ քնողների, օրական 7 ժամից ավելի նստողների կամ շաբաթական 2, 5 ժամից քիչ ֆիզիկական վարժություններ անողների մոտ վաղաժամ մահվան վտանգը բառակի բարձրանում է: Եվ դրան զույմարվում է նաեւ սխալ սնունդը,

**5. Ձրաղվեք մեղիտացիայով**  
Կամ արեք որեւէ այլ բան, որը հանգստացնում է ձեր ուղե-

ղը: Դա հրաշալի հակատարիքային ազդեցություն ունի: Այդուհանդերձ, գիտնականները հայտնաբերել են, որ մեղիտացիա անողների ուղեղում մոխրագույն նյութի մեծ ծավալ կա՝ դա այն ուլորտն է, որը պատասխանատու է զգացմունքների, հիշողության, որոշումներ կայացնելու համար:

**6. Մեքքի կամ փորի վրա քնելը**  
Բժշկական տեսակետից ավելի օգտակար է կողքի վրա քնելը, այդ դիրքը նվազ վտանգավոր է նեվրոլոգիական հիվանդությունների, օրինակ՝ Ալցհեյմերի ու Պարկինսոնի հիվանդության զարգացման տեսակետից: Բանն այն է, որ երբ մարմինը կողքի է շրջված, օրգանիզմից ու ուղեղից թույլներն ավելի արդյունավետ են դուրս գալիս:

**7. Փորձեք յոգայով զբաղվել**  
Յոգայով զբաղվելը նպաստում է երկու հորմոնների արտադրմանը, որոնք կապակցված են երիտասարդության ու երկարակեցության հետ՝ GH ածի հորմոնը, որը արտադրում է մաշկի ու մկանների մոր հյուսվածքներ, ու DHEA-ն, որն ամրացնում է իմունային համակարգն ու սրտի աշխատանքը: Չնայած այդ հորմոնները բնական ձևով տարեցտարի նվազում են մեր օրգանիզմում, յոգայի մոյմիսկ 3 ամսվա դասընթացը հանգեցնում է այդ օգտակար նյութերի մակարդակի բարձրացմանը:

ՀԵՏԱՔՐԹԻՐ Է

Table with 6 columns and 6 rows of numbers (1-36).

ԵՐՋԱՆԻԿ ՈՒ ԴԺԲԱՒՏ ԹՎԵՐ

Ճապոնիայում դժբախտ թվանշան է համարվում 4-ը: Այս թվանշանի բախտը չի բերել միայն այն պատճառով, որ «չորս»-ը նույն ձևով է գրվում, ինչպես «մահ» հիերոգլիֆը: Չինացիների կարծիքով, 8 թվանշանը ամենահաջողակներից մեկն է, եւ այդ պատճառով պետական մակարդակով նշվող ուրախ իրադարձությունները տեղափոխվում են ութերորդ ամսի ութերորդ օրը:

ԱՅՈՐԻԶՄՆԵՐ ՄԻՐՈ ՄԱՍԻՆ

- Սիրո համար բաժանումը նույնն է, ինչ կրակի համար՝ քամին, թույլը մարում է, ուժեղը՝ բորբոքում: Սիրելի՛ նշանակում է դադարել համեմատել: Սերը մեծ գործերի է ոգեշնչում ու ինքն էլ խոչընդոտում դրանց կատարմանը: Եթե ճշում է հպարտությունը, նշանակում է սերը լռում է: Սերն այնպիսի ակնոցներ է կրում, որոնց միջոցով պրիմն էլ ոսկի կերեսալ: Սերն ուրախություն է գտնում ամեն մի դատարկ բանի մեջ, եթե այն թեզ հետ սրտակից մարդ է կիսում: Սերը նման է պատերազմի՝ այն հեշտ է ծագում, բայց շատ դժվար է նրան կանգնեցնել: Աշխարհում չկա ավելի քաղցր երաժշտություն, քան սիրելի ձայնը: Սիրելի՛ նշանակում է նայել ոչ թե մեկը մյուսին, այլ միասին՝ նայել միեւնույն ուղղությամբ: Մենք գիտենք, որ սերն ուժեղ է, ինչպես մահը, բայց փխրուն է, ինչպես ապակին: Աղքատ է սերը, եթե այն կարելի է չափել:

Մեկը մյուսին ատում է. - Ես միլիցենտ գոմիկ ա: Մյուսը. - Ի՞նչ իմացար: - Դե, տե՛ս, էսքան աղքկան թողա՛ էսա գալու ա մեզ կպռշկվի... © Մեկին հարցնում են. - Գրիգոր Լուսավորիչը ո՞վ է: Պատասխանում է՝ - Խոր վիրապի էլեկտրիկը:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՀԱՅԱՍՏԱՆ-ՖՐԱՆՍԻԱ. ԸՆԴՊԾՎԵՑ ԴԻՐՔՈՐՈՇՈՒՄՆԵՐԻ ԸՆԴՀԱՆՐՈՒԹՅՈՒՆԸ

Մարտի 7-8-ին Հայաստանի նախագահ Սերժ Սարգսյանը պաշտոնական այցով գտնվում էր Փարիզում: Հայաստանի նախագահի գլխավորած պատվիրակության կազմում էին Հայաստանի արտաքին գործերի նախարար Էդվարդ Նալբանդյանը, Տնտեսական զարգացման եւ ներդրումների նախարար Սուրեն Կարայանը, ԳՀ Սկիյուռքի նախարար Զրանուշ Հակոբյանը եւ այլք:

Այցի շրջանակներում Հայաստանի նախագահը հանդիպումներ ունեցավ Ֆրանսիայի նախագահ Ֆրանսուա Օլանդի, Ֆրանսիայի խորհրդարանի երկու պալատների՝ Ազգային ժողովի եւ Սենատի նախագահներ Կլոդ Բարտոլոմի եւ ժեռար Լառշեի, ինչպես նաեւ Փարիզի քաղաքապետ Աճմ Իրալգոյի հետ:

Փարիզում Հայաստանի նախագահն այցելեց Ֆրանկոֆոնիայի միջազգային կազմակերպության գրասենյակ, որտեղ հանդիպեց կազմակերպության գլխավոր քարտուղար Միկայել Ժանի հետ: Սերժ Սարգսյանը հանդիպում ունեցավ նաեւ Եվրոպայի հայկական համայնքների ներկայացուցիչների հետ:

Փարիզում Հայաստանի եւ Ֆրանսիայի նախագահների հանդիպմանը ընդգծվեց, որ Հայաստանի նախագահի ներկայիս պաշտոնական այցը Ֆրանսիա հատկապես խորհրդանշական է, քանի որ տեղի է ունենում Հայաստանի եւ Ֆրանսիայի միջեւ դիվանագիտական հարաբերությունների հաստատման 25-ամյակին: Համդիպմանը կողմերը հաստատեցին երկկողմ հարաբերության խորացման եւ առկա ներուժի առավելագույն օգտագործման պատրաստակամություն: Ընդգծվեց նաեւ երկկողմ եւ միջազգային հարցերում կողմերի դիրքորոշումների ընդհանրության փաստը:

Սերժ Սարգսյանը եւ Ֆրանսուա Օլանդն



անդրադարձան նաեւ մշակութային ու համալսարանական կապերի զարգացմանը: Այցի երկրորդ օրը Հանրապետության նախագահը մեկնեց Լիոն: Սերժ Սարգսյանը ծաղկեպսակ դրեց Հայոց ցեղասպանության զոհերի հիշատակին նվիրված հուշարձանին: Լիոնում Հայաստանի նախագահը հանդիպեց քաղաքապետ ժեռար Կոլոմբի հետ:

ՀՀ ՎԱՐՉԱՊԵՏ. «ՀԱՅԱՍՏԱՆԻ ՏՆՏԵՍԱԿԱՆ ԿԱՅՈՒՆ ԱՃԸ ԱԿՆԿԱԼՎՈՒՄ Է 2018-ԻՑ»

Տնտեսությունը կայուն հիմքերի վրա դնելու համար Հայաստանը պատրաստ է իրականացնել ժողովրդականությունը չվայելող քայլեր, այդ թվում՝ պետական ծախսերի կրճատում եւ մասնավոր ներդրումների խոչընդոտների վերացում: Այդ մասին Հայաստանի վարչապետ Կարեն Կարապետյանը հայտարարեց Reuters գործակալությանը տված հարցազրույցում:

«Հայաստանում կիրակաճացվեց կանոնավոր կառուցվածքային բարեփոխումներ, անգամ եթե այդ բարեփոխումները ժողովրդականություն չվայելեն», - ասաց վարչապետը հարցազրույցի ժամանակ:

Գործակալությունը հիշեցնում է, որ ընթացիկ տարում վարչական ծախսերը կրճատելու եւ բյուջեի դեֆիցիտը 2016 թվականին ակնկալվող ազգային արտադրանքի ընդհանուր ծավալի 5.9 տոկոսից 2.7 տոկոսի կրճատելու ծրագրերը կարող են ազդեցություն ունենալ տնտեսական աճի վրա: Քայլերն անհրաժեշտ են, ասել է վարչապետը: «Դա կունենա բացասական ազդեցություն... բայց մենք ցանկանում ենք փոխհատուցել դա մասնավոր ներդրումների միջոցով: Ես կարծում եմ՝ մենք կկարողանանք դիմակայել եւ հասնել այս տարվա համար 3,2 տոկոսի տնտեսական աճի»,- նշեց Կարեն Կարապետյանը՝ ավելացնելով, որ կառավարությունը կկենտրոնանա կոռուպցիայի դեմ պայքարի եւ «բոլոր խոչընդոտները վերացնելու վրա, որոնք խոչընդոտում են բիզնեսի զարգացմանը»:

«Չենք մենք կարողանաք կայունացնել տնտեսական իրավիճակը, մենք կկարողանանք կայուն աճ գրանցել 2018 թվականից», - ընդգծեց Կարեն Կարապետյանը՝ հավելելով, որ կառավարությունը պատրաստում է տնտեսական զարգացման ծրագիր, որը 2018 թվականից կփորձի հասնել 4-5 տոկոս տնտեսական աճի:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՀԱՅՏԱՐԱՐՈՒԹՅՈՒՆԸ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐԻ ԿԱՊԱԿՑՈՒԹՅԱՄ

Նախագահությանը Ն.Ս.Օ.Տ.Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի, Մայր Աթոռ Սուրբ Էջմիածնում մարտի 7-9-ը գումարված Գերագույն հոգեւոր խորհուրդը նիստերի ընթացքում անդրադարձ կատարեց ազգային կյանքին վերաբերող տարբեր հարցերի, այդ թվում՝ նաեւ առաջիկա խորհրդարանական ընտրություններին:

Խորհրդարանական ընտրությունների առնչությամբ Գերագույն հոգեւոր խորհուրդը հանդես եկավ հետեւյալ հայտարարությամբ, որտեղ, մասնավորապես, ասված է. «Գերագույն հոգեւոր խորհուրդը դիմում է մեր եկեղեցու զավակներին

եւ ՀՀ բոլոր քաղաքացիներին մասնակցելու ընտրություններին հայրենիքի եւ մեր ժողովրդի ապագայի նկատմամբ պատասխանատվությամբ ու նախանձախնդրությամբ: Կոչ ենք անում քվեարկել խղճի մտքով, առկա քաղաքական տարակարծությունների մեջ տեղի չտալ հուզումների, առավել եւս՝ անհանդուրժողականության եւ հակառակությունների: Հորդորում ենք բոլոր քաղաքական ուժերին եւ առաջադրված թեկնածուներին նախընտրական եւ ընտրական գործընթացներում դրսևորել խոհեմության, զսպվածության եւ փոխադարձ հարգանքի ոգի՝ բարի ավարտի հասցնելու Աժ ընտրությունները եւ մեր հայրենական կյանքը միասնաբար առաջնորդելու հայրենաշեն աստվածահաճ ճանապարհներով»:

ՆԵՐՎԱՅԱՆՎԵՅԻՆ ԳԱԶԻ ՍԱՎԱԳՆԻ ՆՎԱՋԵՅՄԱՆ ՀԻՄՆԱՎՈՐՈՒՄՆԵՐԸ

Հայաստանի վարչապետ Կարեն Կարապետյանը խորհրդարանում ներկայացրեց Հայաստանում գազի սակագնի նվազեցման հիմնավորումները: Նա ընդգծեց, որ սակագինը նվազեցնելու հիմնավորումներից մեկը Վրաստանի տարածքով ռուսական գազի տարանցման պայմանների բարելավումն էր:

«Երկրորդ հիմնավորումը 2017թ. վարկի սպասարկման

տոկոսների նվազեցումն էր, երրորդը՝ սեփական ծախսերի նվազեցումն ու դրա իսկ հետեւանքով շուկայի արձագանքը ցածր գնին, իսկ չորրորդը այն էր, որ այդ էքսպերիմենտի համար մայր ընկերությունը պատրաստ էր սուբսիդավորել այն տարբերությունը, որը տարվա կտրվածքով կառաջանար, քանի որ վտանգ կար, որ շուկան կարող էր փոքրանալ»,- մանրամասնեց վարչապետը:

ԴՐԱԿԱՆ ԳՆԱՀԱՏԱԿԱՆ՝ ԿԱՌԱՎԱՐՈՒԹՅԱՆ ԳՈՐԾՈՒՆԵՈՒԹՅԱՆԸ

Հայաստանի բնակչությունը դրական է գնահատում վարչապետ Կարեն Կարապետյանի գլխավորած կառավարության աշխատանքը՝ չնայած երկրում տիրող իրավիճակից ընդհանուր դժգոհությանը:

Մարտի 9-ին այս մասին ասաց Հասարակական կարծիքի ուսումնասիրման համառուսական կենտրոնի գլխավոր տնօրեն Վալերի Ֆյոդորովը՝ ներկայացնելով «Շանթ» հեռուստաընկերության պատվերով Հայաստանում իրակա-

նացրած սոցիոլոգիական հարցման արդյունքները: «Հարցվածների միայն 12 տոկոսն է բացասական գնահատել կառավարության աշխատանքը: 31 տոկոսը միանշանակ դրական է գնահատել Կարեն Կարապետյանի կառավարության

աշխատանքը, իսկ 46 տոկոսը՝ ավելի շուտ դրական», - նշեց Ֆյոդորովը: Նշենք, որ Հայաստանում Ազգային ժողովի ընտրությունների ընդառաջ բնակչությունը հիմնականում գոհ չէ երկրում տիրող իրավիճակից: Հարցման մասնակիցների 33 տոկոսն այն կարծիքին է, որ Հայաստանում իրավիճակը գրեթե չի փոխվում, 13 տոկոսը կարծում է, որ իրավիճակն

ավելի շուտ լավանում է, 32 տոկոսը գտնում է, որ միանշանակ վատանում է: Հարցման մասնակիցների 45 տոկոսը Հայաստանի առջեւ ծառայած լուրջ խնդիր է համարել գործազրկությունը: 22 տոկոսը համարում է, որ լուրջ խնդիր է հանրապետությունում ճանապարհների վիճակը: Հարցումն անցկացվել է հանրապետության ողջ տարածքում:

ՎԱՐՉԱՆ ՏՈՂԱՅԱՆԸ՝ ՌՈՒՍԱՍՏԱՆՈՒՄ ՀԱՅԱՍՏԱՆԻ ԳԵՄՊԱՆ

Հայաստանի նախագահի հրամանագրով 48-ամյա Վարդան Տողայանը նշանակվել է Ռուսաստանի Դաշնությունում Հայաստանի Հանրապետության արտակարգ եւ լիազոր դեսպան:



Վարդան Տողայանը 1974-1984թթ. սովորել է Երեւանի թիվ 114 անգլիական թեքումով դպրոցում, սովորել է Երեւանի պետական համալսարանում պատմության ֆակուլտետում, ստացել է քաղաքական գիտությունների դոկտորի աստիճան: 1992-1994թթ. եղել է Մոսկվայում Հայաստանի մշտական ներկայացուցչության գլխավոր մասնագետ, դեսպանության երկրորդ քարտուղար: 1996-1997թթ. աշխատել է ՀՀ ԱԳՆ ԱԴՀ երկրների վարչությունում որպես առաջին քարտուղար: Ապա կրկին աշխատել է Ռուսաստանում Հայաստանի դեսպանությունում, նախ որպես առաջին քարտուղար, ապա՝ դեսպանության խորհրդակալ: 2001թ. մինչ օրս հանդիսանում է «Եվրասիական մեդիա խումբ» ՓԲԸ-ի տնօրենների խորհրդի նախագահ: Ամուսնացած է, ունի 4 երեխա:

ՀԱՅԱՍՏԱՆԻ ԶԱՊԱԶԱՆՈՒ ՈՐԳԱՆ՝ ՌՈՒՍԱՍՏԱՆՈՒՄ ԱՍՆ ԳԵՄՊԱՆ

Ջոն Հանթսմենը կրտսերը համաչայնել է Միայնակ Նահանգների նախագահ Դոնալդ Թրամփի առաջարկին՝ զբաղեցնելու Ռուսաստանի Դաշնությունում ԱՄՆ դեսպանի պաշտոնը: Ջոն Հանթսմենի հայրը՝ Ջոն Հանթսմեն ավագը, հայտնի է իր հայամեր գործունեությամբ: Նա մեծապես աջակցել է Հայաստանին 1988 թվականի Սպիտակի երկրաշարժից հետո: Նա եւ իր ընտանիքի անդամները 25 արավա ընթացքում 46 այց են կատարել Հայաստան: Բարեգործական ծրագրերի շրջանակում նա առնվազն 50 մլն ԱՄՆ դոլար է տրամադրել Հայաստանին՝ այդ թվում եւ հիվանդանոցների ու դպրոցների կառուցման նպատակով: Նրա տրամադրած կրթաթոշակների շնորհիվ շատ ուսանողներ սովորել են Յուտայի համալսարանում: Ջոն Հանթսմեն ավագին 20 տարի առաջ շնորհվել է Հայաստանի քաղաքացիություն եւ Պատվո թիվը մեդալ:

ՊՈՒՍՏ ՀԱՅՈՑ ԳԱՏՐԻԱՐԵՔԻ ԸՆՏՐՈՒԹՅՈՒՆՆԵՐԸ ԿԱՆՉՎԱՅՎԵՆ ՄԱՐՏԻ 15-ԻՆ

Պուստ Հայոց պատրիարքի տեղապահի ընտրությունները կանցկացվեն մարտի 15-ին: Ընտրությունների արդյունքները կհայտարարվեն նույն օրը: Տեղապահի ընտրություններում թեկնածություն են ներկայացրել երեք հոգեւորական՝ Գերմանիայի Հայոց թեմի առաջնորդ Գարեգին արքեպիսկոպոս Բեքչյանը, Պուստ Հայոց պատրիարքական փոխանորդ Արամ արքեպիսկոպոս Աթեշյանը եւ Պուստ Հայոց պատրիարքարանի հոգեւոր խորհրդի նախագահ Սահակ եպիսկոպոս Մաշալյանը: Տեղապահի ընտրությունից հետո Արամ արքեպիսկոպոս Աթեշյանը թողնելու է փոխանորդի իր պաշտոնը:

ՏԱՐԱԳՐԱՄ ՓՈՒՆԱՆԱԿՄԱՆ ԿՈՒՐՍԸ (10 մարտի)

Հայաստանի Ազգային բանկի կողմից սահմանվել է տարադրամի փոխանակման հետեւյալ կուրսը:

ՏԱՐԱԳՐԱՄ	ԱՌՔ	ՎԱՃԱՌՔ
ԱՄՆ ԴՈՒՆՐ	484,50	487,50
ԵՎՐՈ	512,00	518,00
ՌՈՒՔԼԻ	8,12	8,33

Մարտի 3-ի համեմատությամբ ԱՄՆ դոլարի կուրսը նվազել է 001 դրամով:

ԵԿԵՂԵՑԱԿԱՆ

ՄԱՐՏ



11.03.2017. Սուրբ Կյուրեղ երուսաղեմի Չայրապետի, Կյուրեղ եպիսկոպոսի եւ նրա մոր՝ Աննայի հիշատակության օր

12.03.2017. Անառակի կիրակի

18.03.2017. Սրբոց երուսաղեմի Չովհան Չայրապետի, հայոց Չովհան-Աննա Օծնեցի Չայրապետի, Չովհան Որոտնեցի եւ Գրիգոր Տաթևացի վարդապետների հիշատակության օր

ՊԱՅՊԱՆԵՆՔ ԲՆՈՒԹՅՈՒՆ

ՊԼԱՍՏԻԿ ՓԱԹԵԹՆԵՐԻ ՕԳՏԱԳՈՐԾՈՒՄԸ ԿԱՐՈՂ Է ԱՐԳԵԼՎԵԼ

Շրջակա բնությանը հասցրած վնասի պատճառով, Վրաստանում աստիճանաբար արգելք կդրվի պլաստիկ փաթեթների օգտագործմանը:



Առաջիկա տարիների համար նման մտադրություն ունի Եվրամիությունը, որը սահմանափակում է թեթև պոլիէթիլենային փաթեթների օգտագործումը: Եվրամիության անդամ երկրները պետք է հասնեն նրան, որ 2025 թվականի համար Եվրամիության յուրաքանչյուր բնակիչ տարեկան օգտագործի առավելագույնը 90 փաթեթ:

Վրաստանը նույնպես մշակել է համապատասխան նորմատիվային ակտ, որը կապված է Վրաստանում պլաստիկ փաթեթների ներկրման ու իրացման հետ: Այն նախատեսում է պլաստիկ փաթեթների աստիճանական արգելում եւ դրանց փոխարինումը կենսադեղատարալիս փաթեթներով, թղթե փաթեթներով եւ բազմակի օգտագործման պայուսակներով՝ եվրոպական չափորոշիչներին համապատասխան:

Օրինանախագիծը մշակվել է Վրաստանի բնապահպանության եւ բնական ռեսուրսների նախարարության կողմից:

ԱՐԳԵԼՔ

ՓԱԿ ՏԱՐԱԾՔՈՒՄ ԾԽԵԼԸ ԿԱՐԳԵԼՎԻ

Ինչպես հայտարարեց Վրաստանի աշխատանքի, առողջապահության եւ սոցիալական պաշտպանության նախարար Դավիթ Սերգենյակը, ծխախոտի նկատմամբ վերահսկողության բոլոր փաստաթղթերը արդեն ներկայացվել են խորհրդարանին, եւ ինքը հուսով է, որ մոտ ժամանակներում համապատասխան օրենք կընդունվի:



Նրա խոսքով, վերոնշյալ հարցի դրվածքը հետևյալն է. 2010 թվականին ընդունվել է օրենք՝ ծխախոտի նկատմամբ վերահսկողության մասին, որտեղ նշվել են հիմնական դրույթները, թեպետ բաց են թողնվել առանձին կարեւոր մանրամասներ:

- Առաջին հարցը վերաբերում էր նրան, թե ով է նույնականացնելու, եւ, խախտման բացահայտման դեպքում, ով է ընդունելու պատժամիջոցները: Երկրորդը, մասնավոր հատվածների հետ խորհրդատվություններն էին, թե ինչպես պետք է իրականացվի օրենքի պահանջը: Ծրագրվում էր, որ փակ տարածքում ծխելը, ընդհանրապես կարգելվեր կամ կտրվեր որոշ անցումային ժամանակ, որից հետո կսահմանվեր փակ տարածքում ծխելու արգելքը: Երրորդ հարցը Եվրամիության առջեւ է միջազգային հիմնադրույթներով մեր ստանձնած պարտավորություններն են: Նշանակալից էր նաեւ առողջ կենսաձեւի քարոզչությունը: Վերոնշյալ հարցերը հանրազումարվել էին, վերջին երկուսի շուրջ աշխատանքը տարվում է, իսկ ինչ վերաբերում է առաջին երկուսին, ապա ռազմավարությունը մշակվել է, գործողության ծրագիրը նույնպես պատրաստ է, մնում է միայն օրենք ընդունել ծխախոտի նկատմամբ վերահսկողության մասին, հայտարարեց նախարարը:

ՄԻՋՈՑԱՌՈՒՄ

«ԳԱՐՈՒՆԸ ԵԿԱՎ...»

Արդեն տասներկու տարի անընդմեջ, զարման մեկնարկով, թբիլիսցի ստեղծագործողներ Արտեմ Գրիգորենցի եւ Մոնիկա Քուրբջյանի նախաձեռնությամբ, անցկացվում են գրական երեկոներ՝ նվիրված բնության զարթոնքին:

Վրաստանի կրթության նախարարության հավանությամբ եւ Թբիլիսիի թիվ 104 հանրային դպրոցի տնօրինության աջակցությամբ անցկացված այս տարվա ավանդական առաջին միջոցառումը, ստեղծագործական նոր ձեւաչափով վարեցին բարձր դասարանների աշակերտներ, «Ոսկե փետուր» դպրոցական գրական ակումբի ղեկավարներ Գարրի Աբրահամյանը եւ Մարի Մուրադյանը:

Վրաստանի վաստակավոր արտիստ Ռոբերտ Չովհաննիսյանը: Ապա անձամբ ինքը՝ Գիա Սիրաձեն, մեծ ոգեւորությամբ ընթերցեց երկու ժողովուրդների բարեկամության մասին իր մեկ այլ բանաստեղծությունը: Բանաստեղծ Աղասի Գեւորգյանին հաճելիորեն ուրախացրեց Գարրի Ղալամբարովի կողմից վրացերեն թարգմանած իր բանաստեղծության ընթերցումը: Երեկոյի հաջողությանը մեծապես նպաստեց նաեւ բանաստեղծուհի Մարինա Մոսետովա-Կիրակոսյանի ելույթը:

Հասարակական «Խաղաղության հիմնադրամ» կազմակերպության ղեկավար Գիորգի Թումասյանը, որն առաջին անգամ էր մասնակցում նման միջոցառմանը, բարձր գնահատեց դրա կարեւորությունը:

Անցկացված միջոցառման համար հարկ է շնորհակալություն հայտնել Թբիլիսիի թիվ 104 դպրոցի մանկավարժական կոլեկտիվին եւ աշակերտներին այն ջանքերի համար, որոնք, անկասկած, իրենց բարի պատուհները կտան:

ԱՐՏԵՄ ԲԱՐԱՎՈՅՅԱՆ

ՖՈՒՏԲՈԼ

ՆԱՅԱՆՁ՝ ՎԱՐԿԱՆԻՇԱՅԻՆ ԱՂՅՈՒՍԱԿՈՒՄ



Ֆուտբոլի միջազգային ֆեդերացիան (ՖԻՖԱ) հրապարակեց ազգային հավաքականների վարկանիշային հերթական աղյուսակը:

Վրաստանի թիմը իր դիրքերը զիջելով մեկ հորիզոնականով, հանգրվանել է 126-րդ տեղում: Երեք միավորով դիրքերը զիջել է նաեւ Չայաստանի ֆուտբոլի ազգային թիմը: Այն ներկայիս աղյուսակում զբաղեցրել է 85-րդ հորիզոնականը:

Վարկանիշային աղյուսակը գլխավորում է Արգենտինայի հավաքականը: Լավագույն տասնյակում են Բրազիլիայի, Գերմանիայի, Չիլիի, Բելգիայի, Ֆրանսիայի, Կոլումբիայի, Պորտուգալիայի, Ուրուգվայի եւ Իսպանիայի ընտրանիները:

6x6 grid with numbers 1-58 for a crossword puzzle.

Խ Ա Չ Բ Ա Ռ

ՀՈՐԻԶՈՆԱԿԱՆ. 7.ՄԱԿ-ի մանկական հիմնադրամը: 9.Ուղեւորություն որոշակի նպատակով, գրոհ: 10.Ծավալի չափման միավոր մետրիկ համակարգում: 11.Սերբիայի մայրաքաղաքը: 13.Մեքսիկացի ընկեր: 16.Հայ պատմաբան, հրապարակախոս եւ գրող: 17.Գյուղապետ, տանուտեր: 19.Այն կողմ (արեւմտ.): 22.Չեխիայի մայրաքաղաքը: 24.Ալբերտո Մորավիայի վեպերից: 25.Սնդուկ, տապանակ: 27.Տարրականի ուսուցչուհի: 29.Փուլ, Էտապ, ընթացաշրջան: 32.Չեռնաձու: 33.Ծիլ, բողբոջ: 35.Անհիշաչար, անքեն: 37.Հորեղբայր (բոր): 39.Ասպարեզ, մրցասպարեզ: 40.Չհասած, խակամիտ, տգետ: 43.Շեքսպիրյան արքա: 44.Քաղաք Վրաստանում: 47.Միավորների միջազգային համակարգում պայծառության միավորի հնացած անվանումը: 49.Ծարիր: 50.Քաղաք Շվեդիայում: 53.Հայաբնակ գյուղ Վրաստանի Լինոսմինդայի մունիցիպալիտետում: 54.Դ.Վարուժանի բանաստեղծություններից: 55.Մանրաբեկոր, փխրուն ապար: 57.Նմանապես: 58.ԱՄՆ 45-րդ նախագահի անունը: ՈՐՈՂՈՅՑՆԱԿ. 1.Վճարել: 2.Անգլիացի երաժիշտ եւ երգիչ ... Սթար: 3.Խելապակաս, պել: 4.Քաղաք

ճապոնիայում, Հոնոլուլու կղզու հարավում: 5.Հայկական ճաշատեսակ ... քյուֆթա: 6.Եվրամիության երկրների տարադրամը: 8.Կուբացի հեղափոխական եւ Կուբայի նախկին նախագահ ... Կաստրո: 12.Գետ Սիբիրում: 14.Տղա երեխա (արեւմտ.): 15.Կատարածու: 18.Սպասավոր, աղախին: 19.Մայր երակ: 20.Նեղուց Եվրոպական Գալիպոլյան կղզիների եւ Փոքր Ասիայի հյուսիս-արեւմտյան մասի միջև: 21.Քարթլի (Իբերիա) թագուհին: 23.Նահանգ ԱՄՆ-ում: 26.Պռուսի (ժող.): 28.Լիճ Հայաստանում: 29.Վերք: 30.Թատերագրական երկի կամ ներկայացման ամբողջական մաս: 31.Հեզնանք: 34.Դոմագոգիներին պատկանող բույս: 36.Գյուղ Արեւմտյան Հայաստանում, նախկին Կարսի մարզում: 38.Հնդկաստանի ազգային հերոսուհի Լակշմին: 41.Հին ձեւ: 42.Ցուցատախտակ: 45.Թշնամի: 46.Իսլամական Հանրապետություն: 48.Ամերիկահայ կոմպոզիտոր ... Չովհաննես: 51.Աստու կողմից ստեղծված առաջին կինը: 52.Լուր, ծանուցում: 56.Մուգ կարմիր: Կազմեց ԷԼԼՍ ԱԹԱՔԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲՈՒԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Արաքս: 4.Դավիթ: 10.Առաքինի: 12.Վեր: 13.Սոսե: 14.Նոր: 15.Վեյ: 16.Աննա: 19.Յո: 21.Արմեն: 23.Ուզունդարա: 29.Արտեմ: 30.Ցունամի: 31.Ռեալ: 33.Գյուլնա: 34.Պարագա: 37.Իդեն: 40.Նաղաշն: 43.Լուլա: 45.Ելենա: 47.Վերդի: 48.Սամուն: 49.Են: 50.Ազոտ: 51.Նարեկ: 54.Ոճիր: 56.Թունո: 58.Մայա: 61.Թուրին: 62.Սատուո: 63.Ակր: 64.Իեն: ՈՐՈՂՈՅՑՆԱԿ. 2.Աքրա: 3.Սթիվ: 4.Դասվար: 5.Վասակ: 6.Իռեն: 7.Թա: 8.Սին: 9.Սիրոն: 11.Նոյեն: 12.Վաղուց: 17.Նարե: 18.Արտակ: 20.Անապա: 22.Մել: 24.Չուրաք: 25.Ուն: 26.Դն: 27.Ալիդա: 28.Արուֆին: 29.Առաքել: 32.Սոմալի: 35.Գեղամ: 36.Նժար: 38.Նովկեն: 39.Ռեազ: 40.Նետ: 41.Անատոմիա: 42.Շամիրան: 44.Լենա: 46.Արուսյակ: 52.Րաֆֆի: 53.Կասպան: 55.Ճոն: 56.Թուր: 57.Ուր: 59.Ասա: 60.Ատր:

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan@caucasus.net

Գրանցման վկայական № 4 4 - 1439 «ԿՈԼՈՐ» հրատարակչություն

"ВРАСТАН" Тбилиси, Грузия <VRASTAN> Georgia, Tbilisi Индекс 66445